



Na osnovu člana 24. stav (3) Zakona o državnoj službi u Federaciji Bosne i Hercegovine («Službene novine Federacije BiH», br. 29/03, 23/04, 39/04, 54/04, 67/05, 8/06, 4/12, 99/15 i 9/17 – Presuda Ustavnog suda Federacije Bosne i Hercegovine broj: U -13/16) i člana 5. Pravilnika o pravilima i postupku provođenja javnog konkursa i postavljenja državnih službenika u organima državne službe Federacije Bosne i Hercegovine („Službene novine Federacije BiH“, broj 13/19), a u skladu sa Odlukom Vlade Federacije BiH o raspisivanju Javnog konkursa za postavljenje direktora Federalnog zavoda za geologiju, V. B1284/2021 od 19.08.2021. godine, Agencija za državnu službu Federacije BiH, objavljuje

## **JAVNI KONKURS za popunu radnog mjesta rukovodećeg državnog službenika u Federalnom zavodu za geologiju**

### **- Direktor – 1 (jedan) izvršilac**

**Opis poslova:** Radom Zavoda rukovodi direktor. Direktor zastupa i predstavlja Zavod i vrši naročito sljedeće poslove: organizira vršenje svih poslova iz nadležnosti Zavoda, donosi propise, interne opšte akte i pojedinačne akte za koje je zakonom i podzakonskim propisima ovlašten i u skladu sa zakonom i podzakonskim propisima odlučuje o pravima, dužnostima i odgovornostima državnih službenika i namještenika iz radnog odnosa ili u vezi sa radnim odnosom u Zavodu i vrši druge poslove koje su mu zakonom i podzakonskim propisom stavljene u nadležnost. Direktor je u skladu sa zakonom i drugim propisima, odgovoran za korištenje finansijskih i drugih materijalnih dobara iz nadležnosti Zavoda i ta sredstva se mogu koristiti isključivo za namjene za koje su dodjeljena i svojim vlastitim odlukama ne može mijenjati predviđene namjene. Direktor je naredbodavac za sva sredstva i dobra. Direktor za svoj rad i rad Zavoda odgovara Vladi Federacije Bosne i Hercegovine u skladu sa zakonom, drugim propisima i Pravilnikom. Sve akte iz nadležnosti Zavoda potpisuje direktor. Direktor može ovlastiti pomoćnike direktora da potpisuju određena pojedina akta iz nadležnosti Sektora čijim radom rukovode, kao i druge državne službenike, a o čemu se donosi posebno rješenje koje sadrži: ime i prezime pomoćnika direktora ili državnog službenika koji se ovlašćuje, naziv radnog mjesta na kojem se nalazi i naziv pojedinačnih akata za koje se ovlašćuje za potpisivanje.

**Pripadajuća osnovna neto plaća: 2.046,00 KM.**

**Kandidati moraju ispunjavati opće uvjete iz člana 25. Zakona o državnoj službi u Federaciji Bosne i Hercegovine:**

- da je državljanin Bosne i Hercegovine;
- da je stariji od 18 godina;
- da ima univerzitetsku diplomu ili druge obrazovne ili akademske kvalifikacije najmanje VII stručne spreme odnosno visoko obrazovanje prvog, drugog ili trećeg ciklusa Bolonjskog sistema studiranja, što se utvrđuje propisom kojim se uređuju poslovi osnovne djelatnosti i pomoćno tehnički poslovi i uvjet za njihovo obavljanje u organima državne službe u Federaciji Bosne i Hercegovine;
- da je zdravstveno sposoban/a za vršenje određenih poslova predviđenih za to radno mjesto;
- da u posljednje tri godine od dana objavljivanja upražnjenog radnog mjesta lice nije otpušteno iz državne službe kao rezultat disciplinske mjere na bilo kojem nivou vlasti u

Bosni i Hercegovini;

- da nije obuhvaćeno odredbom člana IX.1. Ustava Bosne i Hercegovine.

**Pored općih uvjeta navedenih u javnom konkursu kandidati moraju ispunjavati i sljedeće posebne uvjete i to:**

- VSS - VII stepen stručne spreme, odnosno visoko obrazovanje prvog ciklusa Bolonjskog sistema studiranja (koji se vrednuje sa 240 ECTS bodova) ili drugog ili trećeg ciklusa Bolonjskog sistema studiranja, rudarsko – geološki fakultet, smjer geologija
- najmanje 7 (seda) godina radnog staža
- položen stručni ispit iz oblasti geologije
- poznavanje rada na računaru

**Prijavljivanje - potrebni dokumenti:**

1. Kandidati se prijavljuju na javni konkurs dostavljanjem uredno popunjenog prijavnog obrasca Agencije za državnu službu Federacije BiH (može se preuzeti u prostorijama Odsjeka za postavljenja za federalne organe državne službe u Sarajevu ul. Kulovića bb ili na web stranici Agencije [www.adsfbih.gov.ba](http://www.adsfbih.gov.ba)).
2. Kandidati koji nisu izuzeti od polaganja ispita općeg znanja dužni su uz prijavu na javni konkurs dostaviti dokaz o radnom stažu u struci nakon sticanja visoke stručne spreme u skladu sa uslovima iz konkursa (original ili ovjerene kopije) na propisanom Obrascu uvjerenja (može se preuzeti u prostorijama Odsjeka za postavljenja za federalne organe državne službe u Sarajevu ul. Kulovića 7 ili na web stranici Agencije: [www.adsfbih.gov.ba](http://www.adsfbih.gov.ba)).

**NAPOMENE ZA KANDIDATE:**

O datumu, vremenu i mjestu polaganja ispita općeg znanja i stručnog ispita kandidati će biti obavješteni putem web stranice Agencije, [www.adsfbih.gov.ba](http://www.adsfbih.gov.ba). Imena kandidata se ne objavljuju. Ako kandidat ne pristupi polaganju ispita općeg znanja i/ili stručnog ispita smatrat će se da je odustao od dalje konkursne procedure.

Kandidate, koji polože stručni ispit (pismeni i intervju), Agencija će pisano obavjestiti o vremenu i načinu dostavljanja dokaza o ispunjavanju uvjeta javnog konkursa.

Ovjerena fcc diplome o završenom visokom obrazovanju na mjestu ovjere nadležnog organa mora sadržavati napomenu da izvornik, dakle diploma, sadrži suhi žig koji se na fotokopiji ne vidi. Ovjerene fotokopije diploma moraju sadržavati i potpise ovlaštenih lica. Sve ovjerene fotokopije diploma koje ne budu dostavljene na navedeni način bit će odbijene kao neuredne.

Istovremeno sa dostavom dokaza o ispunjavanju uvjeta javnog konkursa, kandidat, koji polaže pravo na prioritarno zapošljavanje po osnovu posebnog zakona, dužan je dostaviti i odgovarajuće dokaze o svom statusu u skladu sa propisom na koji se poziva.

Kandidati u javnom konkursu moraju ispunjavati uvjete javnog konkursa sa danom njegove objave, u „Službenim novinama Federacije BiH neovisno od toga kada su dokazi zatraženi ili dostavljeni.

Kandidat koji u bilo čemu ne postupi po navodima javnog konkursa biće isključen iz konkursne procedure bez mogućnosti ponavljanja propuštene radnje.

Prijava, sa potrebnim dokumentima, dostavlja se u roku od 15 dana, od objave javnog konkursa u „Službenim novinama Federacije BiH”, putem pošte, preporučeno na adresu:

**Agencija za državnu službu Federacije BiH**

**Odjeljenje za provedbu i praćenje primjene zakona o državnoj službi**

**Odsjek za postavljenja za federalne organe državne službe  
(71000 Sarajevo, ul. Kulovića br. 7)  
sa naznakom:**

**“Javni konkurs za popunu radnog mjesta rukovodećeg državnog službenika  
u Federalnom zavodu za geologiju”  
broj: 06-30-8-704/21“**

**DIREKTOR**

**Refik Begić, magistar uprave**